

Akashvani, Sambalpur

SAMBALPURI NEWS MORNING BULLETIN

9 August 2026 - 6.47- 6.52 am.

ଅଗଷ୍ଟ କ୍ରାନ୍ତି ଦିବସ-ଜନଜାତି ଦିବସ ଆରବନ୍ଦୁ ସମ୍ବଲପୁର

ଦେଶର ସ୍ୱାଧୀନତା ସଂଗ୍ରାମର ସବୁକୁ ବଡ଼ ବ୍ରିଟିଶ ବିରୋଧୀ ଆନ୍ଦୋଳନ ଆଝିର ଦିନେ ମୁଲ୍ ହେଇଥିଲା । ଆଝିର ଦିନେକେ ସୁରତା କରିକରି ସାରା ଦେଶେ ଆଏଜ୍ ଅଗଷ୍ଟ କ୍ରାନ୍ତି ଦିବସ ଭାବେ ପାଳନ୍ କରାଯାଉଛି । ୧୯୪୭ ମସିହା ଆଝିର ଦିନେ ଜାତିର ଜନକ ମହାତ୍ମାଗାନ୍ଧୀଙ୍କର ଭାରତଛାଡ଼୍ ଆନ୍ଦୋଳନ ଡାକରାଥି ସାରା ଦେଶେ ବ୍ରିଟିଶ୍ ସାମ୍ରାଜ୍ୟ ବିରୋଧ୍ ନ ଦେଖିବାସୀ ଜୋର୍ଦ୍ଦାର ଉଲ୍ଗୁଲାନ କରିଥିଲେ ।

ହର୍ଦ୍ଦର ତ୍ରିରଙ୍ଗା ଆଇ.ଆର୍.ପି.ଆର୍

ଚଳିତ ବଛର ସ୍ୱାଧୀନତା ଦିବସ୍ ପାଳନ୍ ଅବ୍ସରେ ଆଏଜ୍ଠାନୁ ୧୭ ତାରିଖତକ୍ ସାରା ରାଏଜେ ଘରେ ଘରେ ତ୍ରିରଙ୍ଗା

ଅଭିଯାନ ପାଳନ କରାଯିବା । ଭୁବନେଶ୍ୱର ଠାରୁ ମୁଲ୍ କରିକରି ବୁଲୁ ଆଉ ପଂଚାୟତସଭା ନ ଇ ଅଭିଯାନକେ ସଫଳତାର ସହେତେ ଆୟୋଜନ କରବାର ଲାଗି ଓଡ଼ିଆ ଭାଷା, ସାହିତ୍ୟ ଆଉ ସଂସ୍କୃତି ବିଭାଗ ତରଫୁ ଫି' ଜିଲ୍ଲାକେ ଆର୍ଥିକ ସାହାଜ ଦିଆଯାଇଛେ । ଆଏଜ୍ କ୍ରୀଡ଼ା ଆଉ ଯୁବ ସେବା ବିଭାଗ ତରଫୁ ରାଜ୍ୟସ୍ତରୀୟ ତ୍ରିରଙ୍ଗା ରେଲି ର୍ ଆୟୋଜନ କରାଯାଉଛେ । ଇଥି ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଯୋଗୁ ଦେବାର କାର୍ଯ୍ୟସୂଚୀ ରହିଛେ । ତ୍ରିରଙ୍ଗା ରେଲିଥି ସବୁ ସରକାରୀ ଅଧିକାରୀ ଯୁବବର୍ଗ ସ୍ୱେଚ୍ଛାସେବୀ ସଂଗଠନ, କ୍ରୀଡ଼ାବିତ୍, ଛାତ୍ରଛାତ୍ରୀ, ଏନ୍ସିସି ଆଉ ଏନ୍ଏସଏସ୍ ସ୍ୱେଚ୍ଛାସେବୀ ସହେତେ ସାଧାରଣ ଲୁକେ ଯୋଗୁ ଦେବେ ।

ସେନ୍ତା ଜିଲ୍ଲାସ୍ତର ନ ଭିଲ୍ ତ୍ରିରଙ୍ଗା ରେଲି କରାଯିବା । ଘରେ ଘରେ ତ୍ରିରଙ୍ଗା କାର୍ଯ୍ୟକ୍ରମକେ ସଫଳ କରବାର ଲାଗି ମିଶନ ଶକ୍ତି ବିଭାଗ ଅଧୀନଥି ଥିବା ମହିଳା ସ୍ୱୟଂ ସହାୟକ ଗୋଷ୍ଠୀଙ୍କର ତରଫୁ ୬୦ ଲାଖ୍ ଜାତୀୟ ପତାକା ତିଆର କରାଯାଇକରି ସବୁ ଜିଲ୍ଲାମାନକେ ଦିଆଯିବା । ଇ ଅବସରେ ସମ୍ବଲପୁର ରିଜର୍ଭ ପୁଲିସ୍ ପଡ଼ିଆକୁ ଜେଲ୍‌ଛକ୍ତକ୍ ଆଏଜ୍ ହର ଘର ତ୍ରିରଙ୍ଗା ପଦଯାତ୍ରା ହେବା । ସଖାଲର ସାଡ଼େ ୮ ବଜୁ ଶୋଭାଯାତ୍ରା ମୁଲ୍ ହେବା । ଇଥି ଯୋଗୁ ଦେବାରକେ ପ୍ରଶାସନ ତରଫୁ ଲୁକକୁ ଅନୁରୋଧ କରାଯାଇଛେ ।

ମୁଖ୍ୟମନ୍ତ୍ରୀ-ନିବେଶ୍ ଅଭିଯାନ

ଆଇ ଆଣ୍ଡ ପି.ଆର୍

ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀଙ୍କର ନେତୃତ୍ୱ ନୂଆଦିଲ୍ଲୀ ନ ହେଉଥିବା ଓଡ଼ିଶାର ୨ ଦିନିଆ ନିବେଶ୍ ଅଭିଯାନ ସଫଳତାର ସହେତେ ଶେଷ୍ ହେଇଛି । ଇ ଅଭିଯାନ ଜରିଏ ଓଡ଼ିଶା ଲାଗି ମୋର୍ ୬୬ ହଜାର୍ ୩ ଶହ ୯୨ କୋଟି ଟଙ୍କାର୍ ପୁଞ୍ଜିନିବେଶ୍ ପ୍ରସ୍ତାର୍ ଆସିଥିବାର୍ ସହେତେ ୫୪ ହଜାର୍ ଶହେ ୩୫ ଟା ନିଯୁକ୍ତି ସୁଯୋଗ୍ ତିଆର୍ ହେଇଛି । ୨ ଦିନେ ମୋର୍ ୪୬ ଟା ଉଚ୍ଚସ୍ତରୀୟ ବୈଠକ୍ ଆଉ ୨ ଶହ ୮ ଟା ଶିଳ୍ପ ଆଲୋଚନା ହେଇଛି । ଇଥି ଓଡ଼ିଶା ପୁଡ୍ ପ୍ରୋ -୨୦୨୬ ରୋଡ୍ ସୋ ସହେତେ ଉପାଦାନ, ବୟନଶିଳ୍ପ, ଇଞ୍ଜିନିୟରିଂ ଆଉ ଆଲୁମିନିୟମ୍ କ୍ଷେତ୍ର ପ୍ରମୁଖ୍ ଶିଳ୍ପ ପ୍ରତିନିଧି ମାନଙ୍କର୍ ସାଙ୍ଗେ ଆଲୋଚନା ହେଇଥିଲା । ମୁଖ୍ୟମନ୍ତ୍ରୀ ନୋଏଡ଼ା ନ ଥିବା ହାୟର୍ ଉପାଦାନ କେନ୍ଦ୍ର ଭିଲ୍ ପରିଦର୍ଶନ କରିକରି ଇଲେକ୍ଟ୍ରୋନିକ୍ସ୍ ଆଉ ଆନୁସଙ୍ଗିକ୍ ଶିଳ୍ପ ଓଡ଼ିଶାର ସମ୍ଭାବନା ଉପ୍ରେ ଆଲୋଚନା କରିଥିଲେ । ଇ ଅବ୍ସରେ ୩୮ ଟା ବୁଝାମଣାପତ୍ର ସ୍ୱାକ୍ଷରିତ୍ ହେଇଛି ।

ଆଇନ୍ ସଚେତନତା କର୍ମଶାଳା

ଆଇ ଆଣ୍ଡ ପି.ଆର୍

ସାଧାରଣ ଲୁକ୍କୁ ତୁରନ୍ତି ନ୍ୟାୟ ଦେବାର ଲକ୍ଷ୍ୟ ଅଟେ । ଅଦାଲତ୍ ମାନ୍ଦ୍ରାଜେ ଥିବା ଦେଖାନୀ ମାମଲାର ପ୍ରଭାବଶାଳୀ ପରିଚାଳନାକେ ନେଇକରି ଭୁବନେଶ୍ୱର ଲୋକସେବା ଭବନ କନ୍ଭେନ୍ସନ୍ ସେଣ୍ଟର ଠାରେ ଦିନକିଆ କର୍ମଶାଳା ହେଉଯାଇଛି । ଇଥି ସବୁ ଜିଲ୍ଲାର ସରକାରୀ ଅଧିକାରୀ, ଅତିରିକ୍ତ ସରକାରୀ ଅଧିକାରୀ ଆଉ ସହଯୋଗୀ ଓକିଲମାନେ ଯୋଗଦେଇଥିଲେ । କର୍ମଶାଳାର ଉଦ୍ଘାଟନୀ ସମାରୋହ ଅଧିକାରୀଙ୍କୁ ପୂର୍ବ ଆଉ ଆଇନମନ୍ତ୍ରୀ ପୃଥ୍ୱୀରାଜ୍ ହରିଚନ୍ଦ୍ର କହିଛନ୍ତି, ରାଜ୍ୟର ସବୁ ନାଗରିକମାନଙ୍କୁ ଠିକ୍ ଆଉ ତୁରନ୍ତି ନ୍ୟାୟ ଦେବାରୁ ରାଜ୍ୟ ସରକାରଙ୍କର ସବୁକୁ ପହେଲା ପ୍ରାଥମିକତା ଆଏ । କର୍ମଶାଳା ଅଟେ ଜଷ୍ଟିସ୍ ଶଶୀକାନ୍ତ ମିଶ୍ର, ଏଡ୍ଭୋକେଟ୍ ଜେନେରାଲ୍ ପିତାମ୍ବର ଆଚାର୍ଯ୍ୟ, ଆଇର ବିଚାରପତି ଦେବବ୍ରତ ଦାସ ଆଉ ଆନନ୍ଦ ଚରଣ ବେହେରା ପ୍ରମୁଖ ଯୋଗ ଦେଇକରି ଆଇନ୍ ପ୍ରକ୍ରିୟା, ମାମଲାମାନଙ୍କର ପରିଚାଳନା ଆଉ ସିପିସି ଉପରେ ଆଲୋଚନା କରିଥିଲେ ।

ରକ୍ତଦାନ ଶିବିର

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ପୁଲିସ୍ ଡିଭିଜନ୍ ରକ୍ତଦାନ ଶିବିର ହେଇଯାଇଛି । ଶିବିରୀୟ ଶହେ ଝନକରନ୍ତୁ ଅବତ୍ତକା ଲୋକ ରକ୍ତଦାନ କରିଛନ୍ । ଶିବିରୀୟ ୪୪ ଝନ ରକ୍ତଦାନ ଲାଗି ନାଁ ପଞ୍ଜିକରଣ କରିଥିବା ଆରକ୍ଷୀ ଅଧିକ୍ଷକ ଅମୃତପାଲ୍ ସିଂ ସୁରନା ଦେଇଛନ୍ ।

ବେଟି ବତାଓ - ବେଟି ପଡ଼ାଓ

ଦେବଗଡ଼ ସମ୍ବାଦଦାତା

ଦେବଗଡ଼ ଜିଲ୍ଲାପାଲ୍‌ଙ୍କର ସମ୍ମିଳନୀ କକ୍ଷ ନ ଜିଲ୍ଲାପାଲ୍ କବୀନ୍ଦ୍ର କୁମାର୍ ସାହୁଙ୍କର ଅଧିକ୍ଷତାୟ ବେଟି ବତାଓ - ବେଟି ପଡ଼ାଓ ର ସମନ୍ବୟ ବୈଠକ୍ ଗଲାକାଏଲ୍ ହେଇଯାଇଛି । ଇ ଅବ୍ସରେ ଜିଲ୍ଲାପାଲ୍ ତୁକେଲ୍ ଛୁଆମାନଙ୍କର ଯତନ୍ , ସେମାନଙ୍କର ସୁରକ୍ଷା, ଶିକ୍ଷା, କନ୍ୟାଭୁଷଣ ହତ୍ୟା ରୁକ୍‌ବାର୍, ବାଲ୍ୟବିବାହ ନିରାକରଣ ବାଗିର୍ ଭିନ୍ ଭିନ୍ ପ୍ରସଙ୍ଗାୟ ଆଲୋଚନା କରିଛନ୍ ।

ଉତ୍କଳ ଯୋଜନା ବୈଠକ

ଦେବଗଡ଼ ସମ୍ବାଦଦାତା

ଦେବଗଡ଼ ଜିଲ୍ଲାପାଳଙ୍କର ବିକାଶ ଭବନ୍ ସମ୍ମିଳନୀ କକ୍ଷ ନ ଓଡ଼ିଶା ସଚିବାଳୟ ସହାୟକ ୨୦୨୧ ବେର ୩୭ ଝନ୍ ସେକ୍ସନ୍ ଅଧିକାରୀଙ୍କୁ ନେଇକରି ଜିଲ୍ଲାର ଭିନ୍ ଭିନ୍ ଉତ୍କଳ ଯୋଜନା ଆଉ ବିଭାଗୀୟ କାମକାଜ ବାବଦେ ଗୁଟେ ବୈଠକ ହେଇଯାଇଛେ । ଇ ଅବସରେ ଜିଲ୍ଲା ନ କାର୍ଯ୍ୟକାରୀ ହେଉଥିବା ସରକାରୀ ଯୋଜନା ଆଉ ଭିନ୍ ଭିନ୍ ବିଭାଗର କାମକାଜ ଉପରେ ଆଲୋଚନା ହେଇଯାଇଛେ ।

ଫୁଟବଲ୍ ପ୍ରତିଯୋଗିତା

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ଅନୁପ୍ ସିଂହଦେଓ ମେମୋରିଆଲ୍ ଟ୍ରଷ୍ଟ ତରଫୁ ୧୭ ନମ୍ବର ଫୁଟବଲ୍ ପ୍ରତିଯୋଗିତା ମୁଲ୍ ହେଇଛେ । ଉଦ୍‌ଘାଟନୀ ମେରଥ୍ ବୋଡ଼େନ୍ ଦଲ୍ ଜୁରାବନ୍ଦି ଦଲ୍‌କେ ୨-୧ ଗୋଲ୍‌ଥ୍ ହରେଇଛେ ।

ପାଣିପାଗ୍ ଆରବନ୍ଧୁ/ ସମ୍ବଲପୁର

ଉତ୍ତର ଓଡ଼ିଶା ଆଉ ତାଙ୍କେ ଲାଗିକରି ଥିବା ଗାଙ୍ଗେୟ ପଶ୍ଚିମବଙ୍ଗ ଉପରେ ହେଉଥିବା ଘୃଷ୍ଣିବଳୟ ଲଘୁଚାପ ଥିବା ବଦଳିଛି । ଇତାର ପ୍ରଭାବ ଥିବା ଆସବା ହସ୍ତାତକ୍ ରାଜ୍ୟର ଭିନ୍ନ ଭିନ୍ନ ଜାଗା ନ ବର୍ଷା ଲାଗି ରହେବା । ଆସବା ୨୪ ଘଂଟା ଭିତରେ ଚଢ଼ି ଫାରିକରି ଜବର ବର୍ଷା ହେବା ବଳି ସୁନ୍ଦରଗଡ଼, ସମ୍ବଲପୁର, ଝାରସୁଗୁଡ଼ା ଆଉ ବରଗଡ଼ ଜିଲ୍ଲାଙ୍କେ ଭୁବନେଶ୍ୱର ଆଞ୍ଚଳିକ ପାଣିପାଗ ବିଜ୍ଞାନ କେନ୍ଦ୍ର ତରଫୁ ସତର୍କ ସୂଚନା ଜାରି କରାଯାଇଛି । ଇତାର ସହେତେ ବାକି ସବୁ ଜିଲ୍ଲା ନ ଚଢ଼ି ଫାରିକରି ବର୍ଷା ହେବାର ସମ୍ଭାବନା ରହିଛି ।

ସେଆଡ଼େ ଆସବା ୧୨ ତାରିଖ ଆଡ଼େ ଆଉ ଗୁଡ଼େ ଲଘୁଚାପ ହେବାର ସମ୍ଭାବନା ଅଛି ବଳି ଭାରତୀୟ ପାଣିପାଗ ବିଭାଗ ତରଫୁ ଅନୁମାନ କରାଯାଇଛି ।